

摛藻堂四庫全書薈要

集部

欽定四庫全書叢要

集部

傳家集卷十四至二

詳校官助教臣常循



欽定四庫全書

會要卷一萬四千六百二十

集部

傳家集卷十二

宋 司馬光 撰

律詩七

會不疑家席上紀實

召客俱來賞花花正開寒暄方得所風雨不相催席
上柳飛雪門前車隱雷主人意仍厚安得不徘徊

三月三十日微雨偶成詩二十四韻書懷獻留

守開府太尉兼呈真率諸公

春盡少歡意昏昏睡思添正憂花意索更用雨聲兼乍
語鶯喉澁慵飛柳絮黏落英紅沒砌茂草碧侵簾寶相
錦鋪架酴醿雪擁簷沼汎浮鉢麝林筍露犀尖坐惜光
風駛行愁畏日炎追隨任塵飄歌笑望霜鬚落筆詩情
放飛觥酒令嚴金丹呼勝彩玉燭擢新籤傲岸冠巾側
淋浪襟袖霑飢仍留瘦馬歸必待清蟾筋力雖無幾娛
遊亦未厭脫身離薄領適性得閭閻多病非辭貴無才
豈養恬清塗誠貴忝微祿已傷廉日費須三爵年支仰

數縵糇糧粗能足著藜不煩占河洛今為盛圖書昔所
潛家家花啓戶處處酒飄帘溫飽資兼愛安居待具瞻
愚夫猶樂育下客愈撫謙落拓形骸逸優游歲月淹餘
生信多幸狂醉亦無嫌

其日雨中聞姚黃開戲成詩二章呈子駿堯夫

穀雨後來花更濃

洛人謂穀雨為牡丹厄

今年穀雨後名花始開

前時已見玉

玲瓏

前時與堯夫遊西街得新出白千葉花以呈潞公潞公名之曰玉玲瓏

客來更說姚

黃發只在街西相第東

國夫張八家在富相宅東

小雨留春春未歸好花雖有恐行稀勸君披取魚蓑去
走看姚黃判濕衣

立夏呈安之

留春春不住昨夜的然歸歡趣何妨少閒遊勿恠稀林

鶯欣有託

前日始聞鶯

叢蝶悵無依窓下忘懷客高眠正掩

扉

陶潛嘗言夏月虛閒高卧北窗

下清風颯至自謂羲皇上人

和子駿洛中書事

西都自古繁華地冠蓋優游萃五方比戶清風人種竹

湍川濃綠土宜桑鑿龍山斷開天闕道洛波回載羽觴
況有著英詩酒樂問君何處不如唐

安之令子河陽官舍作蛙樂軒安之有詩寄題

輒敢繼和

鼓吹娛俗耳蛙鳴愜雅懷最宜涼雨歇更與晚風偕驥
子方長驚雲衢偶未諳功名當努力留此遺吾儕

和安之喜雨

吁嗟方請雨潤溽果如占黍稷果有望來麌亦未嫌聲

繁清倦枕氣冷入疎簾蔓喜龍頭舉泉驚虎爪添田疇誠最急花藥不妨兼詩伯才盈斛聊應費筆尖

逍遙四章呈欽之堯夫

結髮讀經史疲精非一朝於今成濩落所幸得逍遙不
羈狂心息難平客氣消巢林易為足竊敢比鷦鷯

閒思宇宙內何物不由天定分不移易勞心徒棄捐鵬飛九萬里松壽一千年斥鴉與朝菌逍遙亦自然

閉目念前古飄然一烘塵兩儀仍似舊萬物互爭新軒

冕榮何在簾瓢樂最真衆人俱笑我我亦笑其人

六合曠無際逍遙好縱遊放懷同一貫瞬目即千秋丸
遇區更止萍隨波浪流所之皆自得何懼亦何憂

送稻醴與子才

昔賢尊道誼置醴待嘉賓今我樂閑放提壺餉故人
蟠浮杯面白味撇甕頭醇何以助高興籬邊菊葉新

感物

朝看新燕飛暮聽子規啼尺蠖身藏葉神龜尾曳泥韁

鷹何用掣檣馬不當嘶自伐憎粗巧頽然愛木雞

酬安之謝光兄弟見過

平時一二日不見已相思況復閉關久杳無携手期清談勝妙藥高韻敵涼颸愧乏機雲美虛承青眼知

酬安之間罷真率會

閉關寧是率辭疾似非真既處譏嘲地誰為長厚人虛舟非有意飄瓦不須嗔此過如何贖清秋宴席陳安之詩有

解嘲意故以此戲之資一笑

和潞公伏日讌府園示坐客

盛陽金氣伏，華宇玉樽開。
真率除煩禮者英，集上才。
蒸疑遠避流景忘，西頽幸忝後遊。
並仍慙右席，陪蒲葵。
參執扇，水果侑傳杯。
相國方留客，如何務早回。

和子駿新荷

嬾不窺園久，元非效仲舒。
新荷滿沼密籬，昇出門疎借。
問舍烟晚能勝裏，露初愧無魚。
戲向弄翰白紛如。

和子華遊君貺園

甲第朱門久不開春風潛入發江梅今朝丞相雙車轍
碾破林間水畔苔

小桃似喜相君來爭發新花帳落梅更仗環溪醒殘酒
沒篙春水綠於苔

太尉公引水繞園可
以泛舟名曰環溪

又和上元日遊南園賞梅花

梅簇荒臺自可羞相君愛賞忘宵遊未言美實調羹味
且薦清香泛酒甌

又和遊趙中令園

中令園陪丞相遊百分勸酒不須愁春風陌上醒歸去
只恐更為桃李羞

又和遊吳氏園二首

天氣清和無喘牛花林爛漫竹林幽臨風高詠足為樂
有勇知方笑仲由

名園易主似行郵美竹高松景自幽誰悟本來天地物
長為已有固無由

和子駿約遊一二園亭看花遇雨而止

行樂及佳時官閒無所羈只知花正發不共雨為期淺

草碧無際濃雲冷四垂陪遊興未盡安得不相思

來詩人

尋戴酒地雨破看花期又云

感公行樂處蚤莫得相思

又即事二章上呈

雨不成遊半路歸逢花值柳倍依依朝來頓飲三杯酒
醉臥西齋晝掩扉

覺後追思氣味長歡情愁緒兩俱忘近來方得醉中趣

熟寐沈沈是醉鄉

明日雨止復招子駿堯夫遊南園

昨朝洛北阻遊陪惆悵中橋半路回滌火既經寒食雨
解醒須撥凍醪詩傳曰春酒凍醪也遙思花寨交橫錦未分春
心斗頓灰更與二三頭白友試携薄具上高臺

戲呈堯夫

近來朝野客無坐不談禪顧我何為者逢人獨憮然羨
君詩既好說佛衆誰先只恐前身是東都白樂天

聞正叔與客過趙園歡飲戲成小詩

吾廬寂寞類荒村但有林間鳥雀喧不似楚家多樂事

笙歌拾得醉鄉園

和子華應天院行香歸過洛川

印節傳呼洛北還府庭無訟不妨閒度橋寒色侵春服
按轡晴光露曉山香總徘徊凝廣殿花籃繁會滿通闈
自知白雪高難和忍愧誰能寄我願

寒食遊南園獨飲

寒食良辰無賞心雜花爛漫柳成陰若非獨酌酬佳景

一日風光值萬金

次前韻二首

頭白惜春情更深花間獨醉競分陰泉聲醒耳自可樂
不用歌拋滿袖金

南園莫笑獨追尋明日未知晴與陰揮手一朝辭逆旅
滿堂安用累千金

觀孫兒戲感懷

我昔垂髫今白頭中間萬事水東流此心爭得還如是

戲走階前不識愁

陪子華燕熙廳酒半過趙中令園

簪裾丞相閣林沼令君家烟曲香尋篆杯深酒過花霏
微燼沈水馥郁漬楨粗愧乏相如賦陪遊託後車

和秉國寄子駿堯夫二留臺

一臺二妙日追遊琥珀香醪白玉甌相下不厭賢者意
尚言執友欠龍頭

和伯常自郢州見寄

西郊去歲揖行人柳暗花濃又一春坐想高風清入骨

沈吟佳句健生神潺湲杳靄烟波右

來書云郢西雨多潺湲杳靄

散

誕道遙興趣新應笑洛陽車馬道緇衣未免化紅塵

和潞公行及白馬寺得留守相公書云名園例

惜好花以俟同賞詩二章

雲漢成章湛露晞都門宴餞羽觴飛謝安不復東山去

爭似阿衡得謝歸

相國東郊迓帝師油幢交映碧參差都人共喜安與到

正是餘花可惜時

和子華喜潞公入覲歸置酒遊諸園賞牡丹

介圭成禮下中天春物雖闌色尚妍園吏望塵皆闢戶
肩輿回步即開筵波濤凌亂鞚旁錦風雨縱橫撥底弦
洛邑衣冠陪後乘尋花載酒願年年

陪致政開府太師留守相公致政內翰燕集輒

歌盛美為三公壽皆用公字為韻

獨佐成康世高年有畢公神心降維嶽龜兆告非熊黃

閣遵成範太常書茂功歸來保眉壽恩禮享優隆

右太師

東閣延髦士西都守別宮不忘如衛式難老似僖公位貌今雖遠官僚舊忝同開懷盡卮酒足以厚時風

右相公

眉似高僧秀顏如童子紅忠純汲長孺高潔夏黃公矯矯遼東鶴冥冥塞北鴻自誇新酒量像想百分空

右翰內

景仁將歸頽昌輒為詩二十韻紀贈

秀發西南美挺生河岳靈雕龍蔚文采老鶴瑩儀形落筆高時雋飛綾侍帝庭英聲軼雲漢遠勢擊滄溟苦節

專憂國嘉謀每據經溫雖比圭璧直不避雷霆道勝軒
裳薄神和氣體寧忠誠懷誠弘樂事寄林坰藻鑑評隨
月過從德應星苦吟金出礦確論木銜釘賤子叨流輩
高風仰典刑巨川容滴水餘景借流螢久別眉俱白重
來眼更青淹留弦與晦遊集醉還醒有酒須相就無歌
不共聽奇葩喧夕市疊鼓咽春亭揚袂行辭洛回車去

望陘

許西北有陘山見來書

往還天表鴈離合浪間萍異日期同

傳

景仁嘗言他日與光若得在國史必同傳

窮泉約互銘

光與景仁約後死者當為先死者作

墓銘古今難得事交分保頽齡

復用三公燕集韻酬子駿堯夫

官閒虛室白粟飽太倉紅朝夕掃三徑往往來從二公秉
葭徒倚玉燕雀豈知鴻相遇輒同醉惟愁樽酒空

和吳朝議

執中字幾聖

同年謝光與景仁同年見過

結綬東堂同發策白頭相值益相親却思景祐無多日
共見元豐有幾人天下高名歸廣受

二公皆致仕

古來交道

重雷陳謝公身老才方壯落筆成章字字新

伏蒙留守相公賜示陪太師潞公東田宴集詩

輒敢屬和

舞雩新雨決公田水滿東溪上下天行徑乍透初見筍
浮舟正好未生蓮絃收裂帛胡琴闋袖結清風楚舞妍
相國火城光滿路夜歸不假玉蟾圓

和潞公招堯夫不至

東閣樽罍招共飲後房羅綺約同觀既無薊子分身術
須欠車公一座歡

和子華招潞公暑飲

朱門近在府園東杖屨過從跬步中避暑連翩投轄宴
析酲蕭灑滿襟風閒來高韻渾如鶴醉裏朱顏却變童
剪燭添香歡未極但驚銅漏太忽忽

再和伯常見寄

誅茅宋玉宅邊人知醉宜城幾雍春細雨短蓑漁向市
孤村極浦鼓迎神徧遊七澤身忘倦更賦千篇意轉新
不必滄浪羨清泚鄺來纓上已無塵

再和秉國約遊石淙

上國分携十五秋，未嘗偶坐捧茶甌。
石淙今會須如約，彼此霜毛各滿頭。

席君從於洛城種金橘，今秋始結六實。以其四獻開府太師招三客以賞之。留守相公時賦詩以繼其事。光竊不自揆，輒依高韻，繼成五

章。

宜春果結洛陽枝

太師云此果本出袁州

正遇者明會客時更引

輕舟倚蘆岸香飄鮮鱠雅相宜

圓小香黃珠顆垂結成洛邑重霜時相公和氣陶羣物
不是寒溫變土宜

君從好事不知疲種子成株凡幾時摘獻帝師三取二
自嘗兩顆且隨宜

物不須多且賞奇禦寒相見結庵時江南江北徒虛語
盡信前書是不宜

獎居橘亦自南移愛護栽培費歲時前此實成酸苦甚

應由與德不相宜

和留守相公九月八日與潞公宴趙令園有懷

去年與景仁秉國遊賞

今歲台星聚洛中甘棠前後兩陰濃英辭唱和詩千首
高宴遊陪祿萬鍾木末霜繁花未落雲間字小鴈相從
西湖在望親朋遠節物那堪處處逢

和留守相公寄酒與景仁

想對白衣初滿傾執杯未飲已詩成懷賢孤坐悄無語

不是朝來因宿醒

和秉國芙蓉五章

清曉霜華漫自濃獨憑愛日養殘紅勸君秉燭須勤賞
閨闥難禁一夜風

北方稀見誠奇物筆界輕絲指捻紅楚蜀可憐人不賞
牆根屋角數無窮

平昔低頭避桃李英華今發歲云秋盛時已過渾如我
醉舞狂歌挿滿頭

後時獨立誠難事猶賴階庭有菊叢綽約霜前弄姿能
非如羣木萬林紅

但見涉江求水際豈知勝木采霜中微紅未肯全衰歇
正似醜顏鶴髮翁

和堯夫見寄

志趣苦難合悵悵何所依逢君始相照知我信為稀忽
報除書下徒瞻狂蓋飛相思千里遠洛浦又春歸

仁政如慈父蒲人得所依教條前後接風迹古今稀試

郡纔書最還朝必奮飛西臺舊班列猶望繡衣歸

華嚴真師以詩見貺聊成二章紀其趣尚

知足隨緣處處安一身溫飽不為難禪房窄小纔容榻
此外從他世界寬

素髮青眸七十餘未嘗遊學只安居旁無几杖身輕健
應為心閒得自如

和子莘過王帥家見梅花盛開呈君實子駿兼

簡堯夫

去年與客盡清歡今日重來立馬看猶是攜觴同醉在
只愁風雨橫相干

和張伯常賀遷資政

不駕使車開漢闕

如相

不棲巖穴鍊金丹

子相

宣無閒徑三

人友分著垂綾五寸冠

情遊如之

坐抱太倉猶自愧謬躋祕

殿益難安願同野老嬉堯壤長守先生苜蓿盤

又書一絕戲呈

伯常遠自郢中回喜與愁心相繼來幸得蒹葭依玉樹

慙將瓦礫報瓊瑰

又和南園真率會見贈

白頭難入少年場
林下相招莫笑狂
綠篠影侵碁局暗
黃梅花清酒危香任
真自愧殺羞薄假寐初
便枕簟涼
醻應詩豪困牽率從來
嬾放似嵇康

春日思景仁

去歲洛城中嬉遊
屢屢同從離騷領北常
夢溟泉東草
遶春街碧花繁夕市紅
臨風默惆悵想像白眉翁

效趙學士體成口號十章獻開府太師

都人共喜太師回比

頻必切

戶爭迎不得催正值土樓灘

水淺大家出手挽船來

東郊車馬走紅塵城外多於城裏人誰信今朝還政後
過如前歲下車新

歸來甫可及春殘丞相頻邀賞牡丹遠處名園多不到
尊前日獻百餘盤

洛陽風俗重繁華荷擔樵夫亦戴花貪看二公同宴會

遊人昏黑忘還家

公厨敕許釀芳樽屢喚賓朋醉後園謔浪略無名位間
誰人知道太師尊

過春稀復到諸園厭苦終朝鼓吹喧招得老僧江外至
啜茶揮麈話松軒

東田小籍選新聲歌吹胡琴色色精客少有時全不用
天然水竹湛餘清

首夏清和新雨晴綠莎細軟不妨行園夫遮道白何事

梔子花開斑筍生

矮帽長條紫縠衫
朱門深靜似重巖
莫言永日渾無事
種藥移花一一監

八十聰明強健身
况從壯歲秉鴻鈞
功名富貴古亦有
無事歸來能幾人

自嘲

盤飧羅新蔬充腹
不求餘窮巷晝扃
戶間軒卧讀書有
心齊塞馬無意羨川魚
世道方邀逐如君術已踈

虞部劉員外約遊金明光以賤事失期劉惠詩

見嘲以詩四首謝之

宗孟

絲管嘈嘈耳不分綺羅雜踏自成春不唯漢帝昆明小

更覺唐家曲水貧

絳闕朝歸散玉珂不遊不飲奈春何皇仁聽使歡娛極
白簡從君冷峭多

碧柳紅桃照眼春綺肴芳醴集朝紳自嫌林野踈頑迹
難預風流席上賓

上苑花繁高覆牆曲隄風暖柳絲長爐邊應有步兵尉
甕下難尋吏部郎

孫器之奉使淮浙至江為書見寄以詩謝之五首

鞬矢迎山驛輶車下帝臺夜看牛斗分應有使星來

曉棹旌旗迥暮河鉦鼓喧商船極目避漢使一何尊

吳釀木蘭春

蘇州有木蘭堂酒

紅鱸白錦鱗玉盤聊下筯初識

紫絲尊

岫貼晴天闊舟緣石岸深

吳江中石岸長數里

遙知作書處纜裏

綠波心

沙濱鶴爭飛波光可染衣松江異淇水信美不如歸

器之

家衛

州

傳家集卷十二

欽定四庫全書

晉書要卷一萬四千六百二十一

集部

傳家集卷十三

宋 司馬光 撰

律詩八

送尊江李主簿君俞

學海無涯富辭鋒，一戰勲聲華掩終。
賈賦頌繼淵雲五，斗為邊吏千倉飽。
戍軍明恩美尤異，優秩賞能勤。黃祖
陰懷怒張湯，巧用文折雖因木。
秀燒不變蘭薰迹，有窮通異心無得喪。
分龍蛇寧久蟄，玉石豈俱焚。蜀國花饒

思臨邛酒易釀西風時有意尺紙慰離羣

送峽州陳廉祕丞三首

宜都賢太守治迹古人齊虎負衆子去鳳環羣鳥樓行
增賴川秩別降武都泥正恐還朝速春林未子規

郡府猿聲外旌旗鳥道邊樓高出楚塞煙霽識巴船襦
袴嗟來暮簪紳惜外遷皇仁矜遠俗非謂意疎賢

地險三巴口江流百折蟠騎珂通峽響門戟照秋寒翠
壁虎牙石素花狼尾灘孫劉置柵處細為寫圖看

送聶之美攝尉常城

徒勞已足倦漂泊益栖遑短劍無三尺征衣共一囊折腰從事馬替謁使君堂併日屢承檄無時不裹糧官曹大兒戲弓槊小軍行破柱翻偷竊傾林索盜贓村墟旅顏黑風日故衫黃暝宿投煙舍朝餐蔭道桑唯憂課書殿豈慕薦飛章志氣空磅礴才華浪激昂鐫鏹圭始瑩磨拂鑑尤光衣褐仍纏袴無羞俗吏裝

送吳辨叔大名司戶二首

元宰司宮鑰旌旄壓大河敢言趨府倦私歎折腰多機
發何妨避光塵未免和艱難方遠到慶闕肯蹉跎

致遠必自近如君豈據曹魚龍試春浪松栝露秋毫錯
落辭華富璧竑氣節高垂天起膚寸無嘆走塵勞

送楊太祝忱知長洲縣

三吳佳縣首民物舊熙熙專用清談治非如俗吏為林
疎丹橘迥稻熟白芒歌宜使民無忘嚴修太伯祠

送韓太祝鎮知錢塘

冠佩鬱相映由來積德家一時推雋異四海走聲華圖
籍添舟重江山忘路賒夷塗指霄漢跔騾不須嗟

送趙書記衆之官華州

車馬西城外遙遙未有塵辭梁猶帶雪過洛漸生春幕
府斜依嶽關山曲抱秦峩來謨畫拙不必笑前人

送華亭沈主簿

執袂青門道蕭蕭馬欲東暮雲零落翠遠樹淺深紅楚
澤吟聲裏吳山醉眼中相思杳何許野鶴唳高風

送鄭推官載赴邠州三首

形便邠公國旌旗擁將壇秦雲低落日塞樹怯春寒草
檄無留思投壺不廢歡還應笑黃卷寂寂守儒官

百榼行春樂千弓從獵豪苦吟邊月冷飛鎬野風高奇
策鞭殊俗長纓繫不毛輸君躍馬貴一等著青袍

驕虜已歸計聖朝方寢兵時聞候火入非復塞塵驚秋
嶺無南牧春田恣北耕休窮西海路辛苦學甘英

送何萬下第歸蜀二首

十上終無就才高定復論清時守儒術白首在丘園遠
樹隱殘日孤煙生暮村揚鞭萬里去幾許不銷窓

失意流年老殘春對夕陽可堪臨遠道更復舉離觴花
柳已蕭索雲山復渺茫西風如有意音信勿相忘

送王殿丞景陽知眉山縣二首

先公與祕閣府君相繼為利州

路轉邇使予與

眉山同年登第

疇昔侍嚴親俱為綵服人遊蘭已多益得桂復同春風
樹悲驥異萍波聚散頻峽中盡遺事何處不嚮巾

君行杳何許萬里蜀雲西野色春期近林煙曉意迷天
藏巴峽小星逼効關低莫使鄉愁亂咬咬信子規

送朱校理

宋字知維州
廉叔

東國連年水傷稼使君到部即行春茫茫四野潢汙竭
鬱鬱萬行桑柘新俗不好奢田器貴獄無留繫吏家貧
齊人忽怨歸朝速自是承明侍從臣

送孟著作

翹字知濟陰
仲習

聖主焦勞意誰云百里輕東州比災害劇令選精明水

去良田閑人歸旅穀生閭閻還舊觀鷄犬變新聲盜散
疲民活姦窮老吏驚政成知不日雙耳為君傾

送馮狀元京歸鄂州

夙昔負奇節琅然為衆殊下韁連得雋出手盡成盧喜
氣兼鄰曲榮名溢道塗風雲俱動色非復舊江湖

送吳耿先生

先生通六經大義客
關中今還建陽北山

儒服若煙海幾人潛聖心難才成自昔賤學况于今夫
子獨神解明時何陸沈大羹無和味至樂寡知音增磴

貂裘弊飄蕭鶴髮侵遊秦不得意思越動長吟飯米難求玉經囊益少金拂衣謝賓友縱棹指雲岑積葉迷幽逕荒藤絡舊林澗猿驚重至野老喜相尋山色猶當戶絃聲不變琴人生貴適意何必慕華簪

送高陟歸金陵

三舉不登科以好學孝弟聞於鄉里

之子秣陵去悠悠天塹東帆開曉風疾潮落夜江空在昔才華盛至今人物豐山川氣雖盡龍虎勢猶雄卞王已三獻齊禽會一冲當令闢下吏洗目認終童

送僧聰歸蜀

翠栢老精舍紅塵倦帝城千山一錫遠萬里片雲輕江
棧紆還直天星縱復橫聽猿應更喜還是故鄉聲

送史館任祠部顥河東轉運使

問望簪紳舊恩華雨露重圖書周內史汾澮晉全封秀
發千尋壁寒生百鍊鋒歸時門有戟惜別更從容

送沖卿通判河中府

校理吳充

聞道名都行有期依然想見昔遊時寒光一曲秋河轉

翠嶺三條夕照移孤竹舊風民有讓重華餘教俗無疵
不湏到日方登歷已在君家十二詩

送史館唐祠部

詞字彥猷

江南西路轉運使

豪傑爭唐鹿江南號富強明時雖混一餘俗尚彫傷稅
版誅求急詞曹牒訴忙皇心愍頽弊使節付才良貪吏
先投綏姦民盡越鄉間間無挿筆田畝有棲糧漢閣歸
期闊隋河去驛長風高片帆疾鉦鼓入秋光

送張寺丞觀知富順監

漢家五尺道置吏撫南夷欲使文翁教兼令孟獲知盤
羞蒟醬實歌雜竹枝辭取酒湏勤醉鄉關不可思

送二同年使北

華纓下玉除天子寵匈奴雖復夷風陋猶知漢使殊夜
烽沈不舉秋柝寂無虞何必燕然刻蒼生肝腦塗右呂濟叔

雲愁雪欲零四牡出郊坰古塞煙華紫寒沙日氣青金
門祕雞樹朱節耀龍庭幾夜天街北遙占漢使星右李公素

送沈寺丞

紳知南昌縣字公儀

長江湛湛帶楓林古木寒雲縣寺深老吏不能容狡猾
細民無復有寃侵洪崖丹井聞猶在徐孺衡門說可尋
寧復淹留如寶劍更令牛斗氣沈沈

送王校理

憚字公和子沂公兄子

金門倦鳴玉千騎出東方封略依滄海粉榆近故鄉秦
碑苔蝕字鄙稻日翻芒國吏遙應識當年丞相郎

送龔章判官之衛州

新及第

几硯昔年遊於今成十秋松堅終發石魚變即辭流近

郡無飛檄清時不借籌淇園春竹美軍宴日椎牛

送王瓘同年河南府司錄

字文玉先君
掌為此官

綵服肯為兒隨親宦洛師至今餘夢想常記舊遊嬉佐
史頭應白書樓樹已欹聞君行有日使我淚交頤

送王彥臣同年通判亳州

字伯逢

先朝御六飛親謁瀨鄉祠牛酒當時惠衣冠此日思仙
蹤丹有龜天瑞檜生枝聖主憐耆舊題輿得吏師

送茹屯田

孝標

知無為軍

鼙鼓鳴鏗迎候新軍牙子了了倚淮津聊應衣繡過鄉曲
不作引章驚故人荻迸短茅淝水暖荷浮圓葉灤湖春
使君此去榮多少猶是當年書劖身

送邵不疑知常州

宦學不營身京華費十春非貪為郡樂意欲與民親祖
帳青門道歸帆楊子津江山舊遊在煙火故鄉鄰敢惜
離羣闊欣聞得吏循嗟余一囊米深負鬢絲新

送聶之美任雞澤令

趙魏高氣俠到今風俗然椎埋吏難禁擊斷世稱賢明
府宜更瑟罷民庶息肩無如繭絲者急斂縱敲鞭

送張祕校牧知分寧獻臣父

百里大夫官不輕莫嗟領上髮垂星人生穀祿偏宜晚
世路艱難不厭經數曲秋江紫縣白幾峰霽色入簾青
于公嚮日多陰德已有鵠鸝在帝庭

送韓直講

鐸字子文鄆州寧親

車馬儼何之東岡舊有陂三年別親意千里達家時去

仕元戎幕來為大學師寧須負斗米不復斷機絲物色
迎歸輶光輝入壽卮人生無此樂此樂獨君知

送丁秘丞

翊

字知雍丘

古縣跨河流人繁軍市稠羽飛朝暮驛鮮疊往來舟況
擅才華久時推政治尤足猶妨老驥目不礙全牛從道
西來近能無東望愁時因趨上府窮巷一相求

送計先輩

泰符

尉宗城

紅塵久帝城高價動公卿竹柏寒方茂驛鷗老更成冰

霜驅馬瘦書劍束裝輕丞相虛東閣遙知倒屣迎

送趙殿丞

象字歸成都子

祀明堂禮畢子輿新升朝以恩官其父大理評

事賜告歸寧得其除書以俱二

三同舍為詩以紀其美僕得回字

蜀棧錦衣來高堂綬笥開恩輝同日至喜色共春回駟

馬過鄰社朝裾捧壽杯吾生無此樂空使寸心摧

送張都官

肅字莊子

江南東路提刑

得前字

楚俗號難治司刑尤擇賢危疑片言決舒慘一方專松
不彫寒色絲曾斷直絃清風過江外應在下車前

送楊祕丞

秉

通判揚州

苦聞小杜說揚都，當昔豪華今在無。
江勢橫來控南楚，地形前不瞰東吳。
萬商落日船交尾，一市春風酒並壚。
得意莫忘京國友，蹋塵衝雪奉朝趨。

送光祿王卿

周致仕

歸荆南

九列誰云非顯塗，人生已不負為儒。
拂衣長揖夔龍貴，散髮還為黃綺徒。
白鶴歸飛心自遠，青霞高舉勢何孤。
千金盡與鄉人費，不向江頭買木奴。

送王殿丞恪西京簽判

清白世風存。王公復有孫。挺生如玉樹。不竭似淮源。日
背嵩峰紫。春添洛水暄。幕中多勝友。肯使負芳樽。

送謝都官顚知光化軍

廐吏整車馬。忽忽辦曉裝。青綢出閭闔。朱旆指滄浪。野
店杏初發。津亭柳已黃。行行不可駐。猶及勸耕桑。

送仲更歸澤州

太行橫擁巨川回。三晉由來產異才。才展墓乘春走鄉陌。

負書拂曉下蘭臺河陽路側花應合天井關頭雪未開
會使鄉人驚六印莫羞今日弊裘來

送劉觀察從廣知洺州

漢家英俊士衆衆出金章久襲通侯籍新腰太守章
畛封連故趙廬井帶清漳春色迎銚吹應忘道路長

送晁校理仲衍字子長知懷州

雞犬相聞桑柘春風光明潤帝鄉鄰羣峰斜轉太行角
萬谷同趨馬頰津簪組傾都邀別袂壺漿滿路候行塵

非君厭薄承明直天子方今重治人

席上賦得榛字

微物生山澤蕭條荆棘隣何人掇秋實此日待嘉賓雖無木桃贈投此寄情親

送師道知長溪因歸覲省

霸旅帝城久逢人青眼稀聞君又當去使我益思歸佳色鄰鄉樹高堂望綵衣春流先自疾心出片帆飛

送次道通判西京

相府新承檄蘭臺舊校文題輿榮得士把袂惜離羣首
夏郊原秀晴陽草樹曠觚稜日邊遠闕塞霧中分翠嶺
林端出飛泉竹外聞金羈遊爛熳珠履醉纘紛人服聲
光重官無薄領勤歸期肯留滯漢主待淵雲

送劉儀先輩大名尉

潭潭相府開旌騎擁三臺聞道廷中吏無非天下才策
名新振拔把板尚低回勿為卑飛困青冥盡此來

送皇甫寺丞穆知藍田縣

南山三輔劇百里古諸侯誰為絃歌小不分宵旰憂煙
橫輶川暝雲照武關秋安得無羈束從君一縱遊

送祁嶠潁陽主簿

蒼山臨縣郭雲木冷蕭騷人有漁樵樂官無簿領勞垂
天起膚寸合抱本纖毫志意誠修立歸飛羽翼高

送李尉以監丞致仕歸閩中

行行歌式微浩歎返荆扉却著登山屐盡焚趨府衣溪
清魚影亂竹暗筍芽肥應悔浮名誤空將白髮歸

送李祠部

復圭字
審言

知滑州

東郡隄繇苦艸來煙火疎提封百里遠生齒萬家餘賢
守車纔下疲人意已紓行聞謠五袞京廩滿郊壘

送田校理

諒字
仲孚

知晉州

前判吏
部南曹

銓筦萃賢豪夫君主劇曹長才沛餘裕衆論蔚推高逮
此分符貴知無頓刃勞公卿如有缺不獨賜金褒

送人為閩宰

萬里東甌外溪山秀出羣鄉人皆嗜學太守復工文正

用慈良化居無牒訴紛誰云遠京國佳政日相聞

傳家集卷十三

欽定四庫全書

傳家集卷十四

集部

宋 司馬光 撰

律詩九

送李才元知廣安軍歸成都觀省

早蓋五驛驅今來異昔遊簾壺交里舍
鏡吹下瀛州壽酒行當舉歸鞭不可留春光久相待
先在錦江頭

送上雒王推官經臣

墨綬百里宰紅蕖幕府僚民淳無鬪辯地勝得逍遙日

上雲未散春深雪不消知音已交薦勿茹紫芝苗

送瀛州簽判蘇祕丞

宋

高墜十萬兵幕府藉時英塞上風猶勁關南春未生投壺邊折靜倚馬檄書成不忘塵中客征鴻可寄聲

送周寺丞

畋

知洛南

周華人

太華指商於中間百里餘稍行山驛遠漸與世塵踈楚塞參差接秦民錯雜居惜哉非繁肯不足試投虛

送齊學士

廓字知公門

知荆南

漢家太守治才高楚國山川氣象豪旗旆逶迤蟠夢澤
樓船艤艤壓江濤雄名誰復知宣武遺愛猶應祀叔敖
何必三年求奏計詔書朝夕賜金囊

送王侍制知陝府

疇昔誠相契間關分不渝

先君知鳳翔府侍制通判府事以道誼相知非直僚友而

已絕絃悲宿草撫首念諸孤位略尊榮間年忘德齒殊

清陰容息足重語辱噓枯

待制主漕京西光仕武成幕府仍叨獎引鷗閣騫

雲表虹旌拂海隅明光新出綺陝陌重分符豐潤還桑

梓謹謳復路衢寧湏更條教耆舊已簞壺

侍制再為陝牧光實陝人

送張景淳知邵武軍

閩嶺官何在東南千里遙化離傷草草會合更迢迢
隋岸微吹絮吳江欲上潮肯無同舍念回首弭輕橈

送章伯鎮知湖州

江外饒佳郡吳興天下稀尊羨紫絲滑鱸膾雪花肥星
斗寒相照煙波碧四圍柳侯還作牧草樹轉清輝

送王伯初通判婺州

煜爚屏星駕迢遙婺女區嵐光晴向背溪溜暖繁紜萬
室鳴機杼千艘隘舶艤若逢耆舊問能說隱侯無

送張少卿學士

子知洪州憲

相府典刑在朝閨望實高紬書榮史觀典樂重卿曹夷
路迎飛鞚桑林應奏刀家竄傳舊學廟鵠刻前勞袞服
屯千騎連檣閱萬艘劍芒衝夜氣閣影動秋濤風色傳
花信煙光拂酒膏使君專問俗無意在遊遨

送昭遠兄歸陝

種種親頭白帝城難少留倚門應有望列鵠本無求清
夜多歸夢紅塵厭久遊此行殊捧檄轍下五驛驅

送雲卿知衛州

汗簡成新令褰帷刺劇州韋平家法在邵杜治聲優野
竹交淇水秋爪蔓帝丘三年歸奉計肯顧石渠遊

送石昌言知宿州

煒煒符離守中流簇鼓旂柳陰濃不斷舟勢激如飛魏
闕行歸奏承明祇暫違星輶晨夜度尺素勿令稀

送何濟川知漢州二首

金馬從容樂問君何所之客心彫若梗親髮蒿如絲舊
學已孤陋素交仍別離孰經時有問使我復從誰
千騎擁朱幡青霞晝繡還復尋題柱迹重過棄繻關曉
棧流雲濕秋湖脫葉殷久遊今得意真不愧江山

送程端明戡知成都

高陽將幕開濯錦使旌來欲識關頭雪正如江上梅宵
衣衿遠俗霞冕寄良才豈待三年最脩梧茂帝臺

送聶祕丞之美宰桐城二首

問子青雲器胡為不少留未能充祿養安散及身謀卓爾千人俊居然百里憂連城價終在自是玉工羞七載一相值恍然如路衢形骸漸枯槁志業轉荒蕪往事雲過眼新悲雪染鬚明朝又分首上馬即重湖

送蒲中舍霖致政歸蜀前栗亭令二首

獻苦折腰久飄然黃鵠飛田園未蕪沒隣曲有光輝昔奮儒衣去今紓朝紱歸人生貴知足得此已為稀

念昔兩髦日烏奴同燕遊隨時自有樂何物可為愁豈

意今頭白相逢欲涕流憑君訪題壁好在水西樓

光侍先君

為利州路轉運使與君屢遊烏奴山寺題名屋壁

送李侍郎東之西京留臺

先公勲烈盛鹽梅清白仍聞世濟才華省拂衣辭薄領長衢回首謝塵埃嵩峰排霧依稀出洛水迎人迤邐來寄語馬前頭白吏何殊昔日李西臺

送元侍制

絳字厚之

出牧福唐

甌越東南美田肥果稼饒况懷新賜綬重過舊題橋食足姦回煥風移獄犴銷長才報政速鈴閣日逍遙

送吳駕部處厚知真州

鄉託屏星駕同隨丞相車終朝容嬾拙經歲庇迂踈共此趨雲闕旋聞達隼旟江淮一都會遊刃必多餘

送王著作造西京簽判

古來都邑美孰與雒陽先況復元僂貴兼之從事賢玦離橫闕塞珠曲逗伊川慰眼登臨樂送君空惘然

郭氏園送張仲通出刺棣州得朝字

名園送嘉客冠蓋去傾朝小雨塵微斂餘寒酒易消鴈
歸春近塞日上海生潮北道平如掌東風五馬驕

送裴中舍士傑赴太原幕府

元戎台鼎舊大府節旄新邊候正無事賓筵況得人山
寒太行曉水碧晉祠春齋釀蒲萄熟飛觴不厭頻

送致仕朱郎中令孫

世間榮利無窮物奔走勞勞何所之仕宦為郎非不達

功名有命待無時橐中雖乏千金直膝下常攜兩綬兒
細校人生能此少好從間里樂期願

送宋郎中知鳳翔府

昔解陳倉印於今二十秋雙鳬久東上五馬重西遊驍
騎行關外壺漿擁道周民心已化服條教不更修

送王都官

淑字之官滿還都

粹美清廟器可嗟沈下僚優遊仲舉坐洋洋海沂謠奏
課應居首知音况滿朝從今黃鸝舉眼令望青霄

送昌言舍人得告還蜀三首

迢遞銅梁道凝嚴青瑣闈負書當日去鳴玉此時歸鄉
樹迎朱轂江花照錦衣臨邛不足並榮耀古今稀

悽愴懷桑梓劬勞詠蓼莪樹風今遠矣鴟食奈悲何劬
閣登車近秦關屈指過騰裝纔首路夕夢已江沱

富貴動歸思由來光里問戒門羞主父負弩笑相如外
物有榮悴中心無戚踈遙知見親舊不改布衣初

送張學士

師中字兩浙提點刑獄賦得清字吉老

朝家重典刑書府借時英鉦鼓喧江下雲山拂眼清秋
風鱸鰈美畫日錦衣榮勿似朱翁子空令守邸驚

送王書記

申字應辰

之官永興

白髮添新鏽紅塵滿弊衣人生適未值吾道豈云非鞏
洛風煙遠函秦草樹微長安春酒美行樂勿令希

送朱職方

履臣字表臣

提舉江淮運鹽

敖灑滄波耗征輸澤國貧嬰羅矜赤子運筭借能臣拜
手觚稜晚浮舟浪蕩春東南待蘇息別酒莫逡巡

送次道知太平州

浪蕩春流滿蕪湖
候吏迎旌旗
曉日麗鉦鼓
野風清暫喜
紅塵遠
休嗟素髮生
專城方四十
自古以為榮

送蘇屯田

宋字公佐

知單州

蘇先君嘗知單父縣

佳郡望都城
相聞擊柝聲
賓朋纔執別
耆舊已前迎
絲服當年戲
驪駒此日榮
絃歌應盡在
琴調不湏更

送李學士

及之字公遠

使北

征蓋霜空迥
飄飄迎塞鴻
遼雲侵海角
漢節下天中
酒

薄陰山雪裘寒易水風邊聲不可聽歸思浩無窮

送薛水部十丈通判并州

十萬貔貅士旌旗晉水陽元戎倚者碩別乘選才良秀
直寒松節精明利劒鋩知君留滯久從此欲騰驤

送祖擇之守陝

聲教空巖穴夫君集帝庭辭華動丹宸光價塞青宜俊
德爭推轂榮途易建瓴陸離寒水玉磊落曙天星得喪
誰先識艱虞困屢經蹉跎渥洼足漂泊鳳凰翎粉署疏

恩紀甘棠寄典刑仁風思布濩俗待綏寧賤子良多愧餘光每乞靈題名聯士版占籍偹民丁種種顛毛白蕭蕭壟柏青陌頭瞻阜蓋獨立涕飄零

送賢良陳著作

舜俞

簽書壽州判官

海隅方萬里豪雋幾何人百汰求才盡三薰得士新聲華四方聳器業一朝伸佗日蒼生望非徒澤壽春

送魏寺丞

廣

赴辟秦州判官

征西大府開後乘得高才區脫烽煙靜渠搜職貢來隴

雲低玉帳羨舞奉金罍信美從軍樂脩梧茂帝臺

送丁正臣知蔡州

趨趨汝水濱千騎擁朱輪懸鉦遺基古鞶囊吉夢新丹
心留紫闈清耳遠紅塵湏識明君意先應詛治民

送周密學

沆字子真

真定安撫使

玉帳前茅舉銅魚左契分平生公望著期月政聲聞陌
上壺漿溢潭邊花氣曛遙知待新將民物兩欣欣

送燕諫議知潭州

長沙地饒美賈誼獨傷悲自古臨榮辱幾人無怨咨使
君擁符節大艦出江渭意氣陶然樂應無弔屈辭

送李益之侍郎致政歸廬山二首

益之好談禪故效其語

儒業金華貴歸心白鶴孤江山依舊在軒冕鄉來無嘯
詠誰當共登臨未索扶浩然知此樂迥與世人殊

水底元無月夜中自有珠六塵皆外物萬法盡迷塗漫
布寒雲濕觚稜瑞氣扶遙知至樂地不異在京都

送惠思歸錢塘

孤岫平湖外禪房老柏陰倦遊諳濁世獨徃遂初心夜
雨燈窓迥秋苔屐齒深勿鉏山徑草便有俗人尋

送僧歸吳

高枕聊成夢晴空忽見花浮生盡是客何處得為家旅
食帝城久歸舟澤國賒勿因菰菜味回首浩無涯

送晁祕丞

端彥通判雄州

少傳名德重蔚然人物師羣孫滿丹冗嘉瑞盡長離勿
嘆羽毛短已驚文采竒勉哉勤志業餘慶未應衰

送向防禦 經知陳州

千騎去翩翩專城上少年韋平家好學陰馬世稱賢官
用才能進恩非雨露偏想聞河潤遠封畛帝畿連

泉水詩送吳都官

太元字一翁

分司歸和州

泉水出幽谷原流本自清繁回徧中國浩蕩入東瀛峽
口春雷怒潭心曉鑑平悠悠隨所值行止兩無情

依前韻奉送才元和甫使北

析木帶天津華星隨去人揚旛踰絕漠負弩候前塵出

塞風霜苦歸途楊柳春會書專對美煜煜滿秋筠

送丁正臣通判復州

得失故有命世人空自勞冬溫少霜雪松短沒蓬蒿孤
宦千里遠榮名一旦高回看碌碌者太華與秋毫

送吳仲庶知江寧

江南佳麗地人物自風流青骨靈祠在黃旗王氣收衣
冠餘舊俗歌頌樂賢侯正恐還朝速江山未徧遊

長安送李堯夫同年

昔歲瓊林花氣煦今朝長樂柳梢春事隨流水滔滔度
鬢結繁霜戢戢新世路飽諳都是夢人生可貴莫如身
會湏築室臨清洛相與攜筇戴葛巾

送羅郎中登管勾玉局觀

官名為玉局已與俗塵疎鐘出寒松迥香凝古殿虛鄉
間非甚遠俸祿豈無餘誰道神仙樂神仙恐不如

送劉仲通赴京師

聖朝方考牧蕃育寄才能屢別良可嘆閑遊不復曾行

塵遼洛汭朝騎對觚稜灑上秋臺迥歸來正好登

送伯淳監汝州酒

惟知負米樂不覺抱關卑出處兩得意是非皆自知

送堯夫知河中府二首

耆老承風舊絲綸錫命新展禽安屢黜原憲樂常貧執
志窮通壹論交表裏真但祈深自重膏澤望斯民

河抱城根曲山侵地勢斜周餘古樓觀舜俗舊人家回
首遊從闊裝懷牒訴譁何時重載酒同醉洛陽花

送白都官歸長安

丈夫那肯浪低眉薄宦空添鬢裏絲瀘水歸來山浩蕩
都門辭去菊離披黃雞白酒五陵樂杜曲樊川九穀宜
復見夫君行直道崆峒氣俗未應衰

送雷章祕丞知芮城

西伯昔斷訟令名存迄今南臨大河曲北倚首陽岑俗
被聖賢化人多禮讓心夫君老經術終日想鳴琴

春帖子詞

皇帝閭六首

肇履璿璣歷重飛緹室灰寒隨土牛盡煖應斗車回
鸞路迎長日農祥正曉天九垓同燠沐萬物向蕃鮮
盛德方迎木柔風漸布和省耕將效駕擊壤已聞歌
候鴈來歸北寒魚陟負冰相鳥風色改腸谷日華升
浮陽滿野白溶溶澤底山椒淑氣通草木豈能知造化
一華一葉盡天功

漠然天造與時新根著浮流一氣均萬物不須雕刻巧

正如恭己布深仁

太皇太后閻六首

盛德初臨震陽和已動坤發生天施大厚載母儀尊
種桃臨玉井裁勝刻金花借問此何處崑山王母家
長樂曉鐘殘皇輿入問安東風猶料峭冒絮禦餘寒
慶壽風煙接未央飛樓複道鬱相望春來無以銷長日
閒取經書教小王

冰澌半解波先綠柳葉未生條已黃四海澄清天子孝

朝回日奉萬年觴

東宮歸政五年餘
隱几時觀黃老書
禁闈無為民自化
熙熙不獨在春初

皇太后閣六首

母德思齊盛天心
奮豫初青暉凝輦
路佳氣擁宸居
暖日初添刻柔風
乍襲衣弄孫時哺果
觀織屢臨機
膾肉紛銀縷
蘭芽簇紫茸
太官遵舊俗
歲歲與今同
釵上花開海鶯飛
紅繒翦萼蠟粘枝
風前飄蕩參差羽

還似瑤箱呈瑞時

玉漏聲殘金殿開乘輿清蹕問安來盡將草木欣欣意
同與新春入壽盃

裁縫大練成春服慈儉由來性所鍾肯使外家矜侈靡
車如流水馬如龍

皇后閣五首

種稑獻新種樟榆舊舊衣玉鈎隨步輦行看采桑歸
樛木猶藏葉夭桃未作花六宮歌逮下四海詠宜家

溝暖冰初斷臘晴雪半消餘寒不足畏塗壁盡芳椒

寶勝金幡巧鬪功綵花蠟鶯颺和風玉盤翠萱映紅蓼

捧案朝來獻兩宮

春衣不用蕙蘭薰領緣無煩刺繡文曾在蠶宮親織紈

方知縷縷盡辛勤

夫人閣四首

壁帶非煙潤金鋪麝景鮮繡功添綵縷和氣入繁絃

翦綵催花發開簾望燕歸藏闌新過臘習舞競裁衣

綺窗繡戶又東風丹掖遊陪歲歲同但願太平無限樂

何須三十六離宮

聖主終朝勤萬機燕居專事養希夷千門永晝春岑寂

不用車前挿竹枝

傳家集卷十四

謹案卷十二第九頁後三行春物雖闌色尚妍刊

本妍訛研今改

第十五頁前一行試郡纔書最刊本郡訛羣今改
卷十三第七頁後二行徐孺衡門說可尋刊本孺

訛儒今改



總校官庶吉士臣侍朝
校對官庶吉士臣何思鈞
校對官庶吉士臣陳文樞
謄錄監生臣茹灝
謄錄監生臣周變

欽定四庫全書叢書要

集部

傳家集卷十五

詳校官助教臣常衡



欽定四庫全書
會要卷一萬四千六百二十三

集部

傳家集卷十五

宋 司馬光 撰

律詩十

仁宗皇帝挽辭二首

聲教萬餘里文明四十春茂勳留信史盛德滿生民共
適禽魚樂安知橐籥仁百年龍馭遠空復仰威神

霧曉銅魚躍霜寒闔閨哀聲際海發靈仗拂天來別
寢嚴虛位重闇闕夜臺栢城空有路無復屬車回

英宗皇帝挽辭三首

盛德師堯舜英姿肖祖宗太陽光徧照滄海量兼容鴻
業知能繼齊民望可封如何未五載已上鴨湖龍

虹瑞流朱邸童髦侍紫宸簡心天與子授位帝知人學
古功時敏鈎深道日新宜然三百載民物仰威神

諫省臣無狀龍鱗昔屢嬰恩深忘位賤義重覺生輕不
正誅鋤法仍蒙嬖嘆榮百身何足報天造固難名

神宗皇帝挽辭五首

決事神明速任人金石堅天機先兆朕聖度蘊淵泉仁
義生知性恩威獨化權乾坤無毀息長興大名傳

聽政涉中吳觀書度夜分周王忘自逸漢祖不知勤棣
萼因心友雲章落筆文佗年紬石室光大繼皇墳

至德成無象徽名避不居期門戈獵絕步輦宴遊疎錢
列金釭暗兵嚴武帳虛蓬萊日晏仗猶望駕宮車

鼈禁叨承詔金華侍執經微生輕草芥聖澤闊滄溟鹿
性安林野葵心注闕庭堯雲不可望白首涕飄零

式道清行馬靈輶下陞簾雲奔同軌集兩泣兆民瞻石
闕蒼煙暝松門白露霑載弓徒墮絕無計附龍鬚

光獻慈聖太后挽辭二首

麟閣承家慶軒星應德暉帝猷陰有補嬪則動無違遠
就蒼梧野空餘大練衣只應形管在萬古播鴻徽

四紀祿衣盛兩朝長樂尊九州貢甘旨萬乘問晨昏明
辟歸元子嘉謀賚孝孫羣生資后土難答化光恩

相國魏忠獻韓公琦挽辭三首

瀛海訏謨定宗祧指顧安鴻勳柱石壯勁節雪霜寒翼
亮三朝久初終一德完如何未黃髮壟柏已丸丸

愛物威容悴憂公宿疹加孤忠貫白日美志掩丹霞行
路皆惆悵聞風悉嘆嗟英靈覲宗祖猶想佑皇家

惻怛動旒戾鴻臚葬老臣簫銃震塗口縡翠隘漳濱久
大英名在哀榮異禮陳豐碑紀遺烈長泣鄴城人

相國鄭元憲宋公庠挽辭二首

仁聖初承緒敷天籟雋賢得人茲最盛射策獨居先禁

省英聲遠巖廊至化宣辭榮還故第三事究高年

邦光華袞補家寶素書陳東閣簪裾散西芒宅兆新泉臺無復曉柏逕不知春獨有高文在芬芳繼古人

相國祁正獻杜公行挽辭三首

舟楫才猷大水霜德操堅陶鈞成茂業書史樂高年瞻望簪紳共吁嗟館舍捐舉時無異論方信令名全

釣玉吳臺舊誅茅梁苑新位登華袞貴家似布衣貧直道高當世清風遺後人千秋寒照目竹帛不棲塵

先子同烏府知音誠皦然脫繯來拜伏撫首辱哀憐迨
此泉扃掩空悲塵網牽無由懷酒絮撇涕望新阡

相國廣平文簡程公琳挽辭二首

明直君臣合安危將相兼金章四輔貴玉帳萬兵嚴禦
侮長城隱臨繁利刃鋸南山賈巖石何以慰民瞻

帝誥封泥紫皇墳殺簡青坐談安玉壘專對讐龍庭黼
黻昭文理冰霜瑩典刑英靈入箕尾終古作天星

相國穎莊敏龐公籍挽辭三首

儒衣臨絕塞廟略運奇兵緩帶羨塵靜靈旗海霧清公
心結明主陰德庇羣生名遂身仍退人間五福并

銘旌遠明滅騎吹去低昂三門功名大重泉日月長鶴
飛來弔客牛臥卜連岡車馬還城郭悲風滿白楊

滄波與鄧林魚鳥久飛沉一旦成陳迹何人識寸心高
山亡景行流水失知音淚盡離東閣歸來破故琴

司徒開府韓國富公
弔挽辭四首

天佑休明祚時生雋傑臣賢科首多士宰府澤生民煥

爛三台正冲融四海春欲知甄治力試問白頭人

松漠驕無信漁陽廣聚兵移書侮中國決意背齊盟直氣輕輶入英辭左衽驚膚歸烽火滅寓縣復升平

大呂功名重鴻毛軒冕輕閑居客愈盛斃出市皆傾溟海涵容大龍門謁見榮謙光儼在目慟哭望佳城

杖屢還私第精誠在本朝愛君老不懈憂國沒方昭東閣秋牢落西芒夜寂寥只應忠亮志氣運不能消

參政正肅吳公育挽詩三首

皇家延茂異鶴立迥無倫高議誰能奪英才自有真驛

駟寧受繁冰鑑不棲塵試為咨清論風流第幾人

辭華已獨步政治復無前吏不容三穴民皆戴二天於

今知和寡自古愧才偏惆悵棠陰下仁風尚藹然公再

為陝

牧光實陝人
知公之政

念昔少年日謬登君子堂重言何以稱厚德不能忘光

以文請見公答以長歌過有褒嘆

玉塵聲容在泉臺歲月長憑誰寄清

淚為我灑松岡

北京留守太師王公 拱辰 挽辭二首

盧肇時推重終軍衆共賢何如專標日未及弃繻年官
歷清塗徧名居美事先人間福有五視履豈非全

昔日程文士

光應舉公發解

中間侍坐賓遊陪慙晚輩待遇過

佗人方歎龍門遠俄驚馬鬢新西園行樂處引領但霑
巾

贈太師文公挽辭三首

汾晉地形美古今多鉅賢况承勲烈後宜有慶靈傳著

位登朝古聲華出衆先起家從此始圭組遂蟬聯

美化流民物薰然遺愛多樂公當日社邵父至今歌庭

有三鱣集門容駟馬過欲知餘慶在公鼎格平和

夏屋封何處山田有臥牛蟠根走伊水回首負嵩丘忠

孝家風備哀榮禮秩優龍鸞舞宸翰萬古照松楸

樞密太傅文恭胡公宿挽辭二首

行冠鄉人品文為學者師黃裳蘊厚德玉律嚴清規大
節人難奪嘉謨世莫知儀刑不可見遺烈滿豐碑

徘徊禁內禁密勿贊鴻樞陰德加民物清名服士夫天
方遺一老星忽墮三吳疑從龍髯去來雲在帝都

贈太子太傅康靖李公若谷挽辭二首

黃髮今彫喪蒼生欲奈何散金纔極樂叟杖已成歌十
郡餘恩在三臺故吏多位崇仍有後五福更為多

鹵簿去悠悠西郊亂葉秋旋翻寒日薄笳咽斷雲愁吊
客門飛鶴佳城山卧牛靈車今不返洧水自東流

宣徽惠穆呂公公弼挽辭二首

奕世台衡貴盈門
綏冕榮遐方流惠化殊俗讐威聲宥
密資忠力安平寄老成遠騎箕尾去何以慰蒼生
維嶽人皆仰長城衆所依遠猷方克壯昭世忽長違象
設儼如在英靈宵不歸唯應令名久竹素藹餘輝

宣徽使文肅鄭公載挽辭二首

璿璣敷帝命金節護邊兵盡付將軍制真為儒者榮扶
搖方上擊濛汜忽西傾罷市人相吊紛紛滿百城

柳翠喪容盛江山故國遙清時獨長往何日重來朝事

與秋雲斷縈如曉夢消西風虎各路馬鬣入蕉輿

又代孫檢討瑜作二首

湖澄翠岫孤勝地古東吳氣象當時秀英靈何世無金
闔演王綺玉帳綰兵符煒煌照鄉曲從茲益重儒
人為天地客處世若浮休豈有生長在祗知名可留露
沾寒草晚風嘯白楊秋地下求文友應從顧陸遊

翰林彭學士乘挽辭三首

夙昔遊清貫時流籍重名譽書石渠祕視草玉堂榮吉

兆虛三鱗凶期告兩楹子雲思故國墳樹必西傾

平生對交舊萬目正如初不復知榮賤都能忘戚疎遺
靈瞻素几偽物屏塗車家事何蕭索空餘萬卷書

祖奠垂將撤笳簫儼欲行野寒嘶故馬樹轉出新旌泉
路幽無底魚燈暖不明如何齋美志鬱鬱向佳城

楊侍郎察挽辭二首

時論歸清德皇心重老臣祖風終鯁直家學本深淳便
殿談經久安車就第新如何金未盡奄忽棄鄉人

憂國心如石當朝有古風掛冠雖在遠遺札不忘忠飛
旆西歸洛新阡背倚嵩還令往來客下馬白楊中

王侍郎琪挽辭二首

弱冠獻奇策居然終賈才賦成平樂館歌奉柏梁杯

侍郎

天聖初以江都主簿上書獻十策召試館職嘗
侍宴後苑賦山水石歌首出諸文士獨被褒賞麗藻留

昭世英遊隔夜臺土中埋美玉誰見不興哀

振鷺辭靈沼冥鴻翔太虛清朝解鳴玉舊里掛安車詩
酒江山勝園林俸祿餘所忠今不往誰奏茂陵書

鄭侍郎 緝挽辭

雲夢氣回復比肩生雋豪司農家學富廷尉里門高
驥昔千里鳳凰今一毛即丘餘慶在終應呂虔刀

侍讀王學士挽辭二首

石室書編富金華講席重薦紳歸博洽鳴玉稱雍容貳
負累囚象戶臣古瑑蹠老成今已矣咨訪欲誰從

杖底潛蛇影門陰集戴鴛玉樓新記就石柳舊銘沉篋
有封巒札羸無遺子金寂寥封馬鬣秋色淨松林

參政尚書文簡丁公

度

挽辭二首

鳳蹕遊汾曲非熊得偉人閨臺尤顯重訓誥愈深淳論
道參黃閣橫經侍紫宸如何天不憇志業未全伸

丹闕晨趨退蕭然忘世榮閒齋虛自白永日淡無營脫
落簪纓累沈冥丘壑情貪夫誠有激千載素風清

侍讀張學士璵哀辭二首

喜溫與榮枯居之悉晏如稍聞多執筆至老不拋書常
愧無能極曾霑清論餘秋風郭門外雨泣望喪車

凶夢歌洹水妖巢集戴鶩未嘗餘俸祿無以具衣衾袁
渙分倉穀翁歸賜府金佗年純固傳寧使令名沈朝廷
以公

清貧賄
贈有加

錢左丞明挽辭二首

煒煒傳家學連翩射策榮走丸過省閣破竹取公卿埋
玉嗟何早為山惜未成空令澤宮友相顧淚縱橫同年
致祭

者二十

象設如平昔升堂不見君尚疑言笑在忽念死生分清

二人

論千秋雪浮榮一片雲泉臺多少路何處復修文

紫微石舍人昌言挽辭二首

地勝岷峨秀時清雋人生揚雄晚得祿何武少知名性
有圖書癖心忘紱冕榮前年歸諭蜀不使里人驚
顧我非君比最為相得歡平生遊處久美行始終完長
夜忽埋玉秋霜不惜蘭西風濕襟袖空有淚闌干

邵少卿挽辭

北固啟佳城東吳賓德星總幃長寂寞羽扇遂飄零泉

燭千年碧霜松數寸青慶餘知有在玉樹滿階庭

梅都官 兼臣挽辭二首

兵形窮勝負史法貫興衰落落雖殊衆恂恂不迕時位
卑名自重才大命湏奇世俗那能識傷嗟止為詩
漆燈無復曙柏徑不知春南紀光華減中朝俊秀貧淒
清千古韻寂寞一丘虛異日昭亭下方多瀝酒人

臧郎中挽辭二首

積慶承前烈呈才會聖時踐揚朝有籍治行吏為師僚

友皆親譽黎民每去思惜哉違世早志業未全施
素履存誠厚虛懷待物真鄉閭昔相接朋友世彌親遺
札蠅頭細長阡馬鬣新九原那可作空復想音塵

張元常挽辭二首

為吏文無害臨民政不苛渾金生自美古井澹無波方
喜風鵬舉旋聞隙駟過善人宜壽考報施定如何
秀眉無足駿結轎遽為災鄉曲三年別江山萬里迴林
間飛旆入書劒逐舟來墳草枯還綠重泉不復開

王朝議尚恭哀辭二首

場屋推聲價朝紳仰典刑朱衣老卿列白首戀親庭舟
壑一朝失泉臺萬古扃音容宛在目爭免淨飄零

樂易陽春暖孤高秋氣清老惟知自適貧不問為生京
兆開阡貴延陵題墓榮如何帝師筆純孝紀名卿

邵堯夫先生哀辭二首

菽藿一簞樂蒿萊三畝寬蒲輪不能起甕牖有餘安高
節去圭角久要敦歲寒今朝郊外客誰免涕汎瀾

慕德聞風久論交傾蓋新何須半面舊不待一言親講
道切磋直忘懷笑語真重言蒙蹠實佩服敢書紳先生嘗以

予為脚踏實地之人

哭公素二首

負書遊上國拾芹取榮名雅度津涯濶高文風雨驚忘懷
醜得謗縱酒遂傷生忍使泉臺客悄悄不自明
丹旌倚轎車榮辱盡虛無半道驛鶻先秋蘭芷枯兒
癡纔過艷親老不勝扶家事今蕭瑟寧將未第殊

哭尚穎字公楚

操業五常備艱難六極全仲尼難語命裨竈不知天弱女飄何許遺文散莫傳官輕史不錄後世孰稱賢

哭劉仲達父

天下才無幾夫君獨患多高文粲列宿英辯瀉長河榮宦成朝夢浮生度尺波舊僚空執酒相與淚滂沱

昔醉金明渚今來慧辯祠當年笑相視此日哭殊悲天迥川原淨風高草木衰江梅靈氣在泉下復相知

哭馬承之

平生千里別書問亦常來隼拂秋雲擊鸞兼霏霧迴
鄉無高世藝安見出倫才有紙盈箱篋局封不忍開

傳家集卷十五